

# The Digital *Viridarium consolationis* Project

## Pars 2: De aliis peccatis Caput 6: De ipocrisis (2)

Bernardus:

Ipocrita magis singularia et inusitata sectatur,  
ut proprie flagrantiam opinionis respergat,  
cuius affectio elongatur a Christo, et vanis favoribus delectatur,

cuius mens non proprio testimonio conscientie,  
sed adulationis demulcetur.

Tristitia ypocritarum non in corde, sed in fatie est.  
Exterminant enim faties suas,

ut appareant hominibus ieunantes.

Hanc fidelis Christi servus lavat,  
ne quod offendiculum praebeat intuenti;  
hypocrita magis exterminat, dum singularia magis et inusitata sectatur.

← Sed nec caput ungit,  
cuius affectio elongatur a Christo et vanis favoribus delectatur.

Ungit potius semetipsum,  
→ ut propriae fragrantiam opinionis respergat.

Aut certe, quia manifestum est non esse caput hypocritae Christum,  
nec suum tamen qualecumque caput ungere potest,  
cuius mens non propriae testimonio conscientiae,  
sed adulationibus demulcetur.

Bernardus Claraeuallensis, *Sermones in quadragesima*, 1.5  
(SBO 4, J. Leclercq, C.H. Talbot, H.M. Rochais eds., p.357, ll.3-10).

Non est talis tristitia hypocritarum: non in corde, sed in facie est.  
EXTERMINANT ENIM FACIES SUAS.

Bernardus Claraeuallensis, *Sermones in quadragesima*, 1.4  
(SBO 4, J. Leclercq, C.H. Talbot, H.M. Rochais eds., p.356, ll.20-21).

Exterminant enim facies suas,  
ut appareant hominibus ieunantes (Matt. 6:16).